

續資治通鑑

冊
五

續資治通鑑卷第一百八十八

賜進士及第兵部尚書兼都察院右都御史總督湖北湖南等處地方軍務兼理糧餉世襲二等輕車都尉畢沅編集

元紀六

起疆圉大淵獻正月盡著
雍困敦十二月凡二年

世祖聖德神功文武皇帝

至元二十四年春正月戊辰浚河西務漕渠 丙戌

以程鵬飛爲中書右丞阿爾

舊作阿里今改

爲中書左丞丁

亥以布顏里哈雅參知政事

發新附軍千人從阿

巴齊討安南

復改江浙行省爲江淮行省

辛卯

詔發江淮江西湖廣三省蒙古漢券軍七萬人船五

百艘雲南兵六千人海外四川黎兵萬五千命海道

運糧萬戶張文虎費拱辰陶大明運糧十七萬石分

道以進置征交趾行省鄂羅齊

舊作奧魯赤今改

平章政事烏

訥爾

舊作鳥馬兒今改

樊楫知政事總之竝受鎮南王節制

攷異

經世大典云二十四年令烏訥爾樊參政率兵水陸進征尋亦罷所載甚略今從元史安南傳書之

二月甲午

改于近郊

乙未以敏珠爾卜丹

舊作麥尤丁今改

為平章政

事

甲辰以范文虎為中書右丞商議樞密院事

壬子中書省言自正旦至二月中旬費鈔五十萬錠

臣等兼總財賦自今侍臣奏請賜賚請令臣等預議

帝曰此朕所當慮仍諭伊實特穆爾伊徹察喇

舊作月赤

徹兒今改

知之

戊午以趙與芮子孟桂襲平原郡公

宗王納顏遣使徵東道兵諭棟摩特穆爾毋輒發初

納顏鎮遼東北京宣慰使伊列薩哈察其有異志密

請備之帝素然其言故有是諭

閏月癸亥敕春秋

二仲月上丙日記帝堯祠

西京等處管課官馬合

謀自言歲以西京平陽太原課存額外羨錢市馬駝

千頭輸官而實盜官錢市之按問有迹伏誅乙丑
復立尚書省以僧格特穆爾竝爲平章政事鄂爾根
薩里爲右丞葉李爲左丞馬紹參知政事是月帝畋
于近郊召敏珠爾卜丹特穆爾楊居厚等與葉李程
文海趙孟頫論鈔法敏珠爾卜丹言自制國用使司
改尚書省頗有成效今仍分兩省爲便詔從之安圖
諫曰臣力不能回天但乞不用僧格別選賢者猶或
不至虐民誤國不聽鄂爾根薩里雖與僧格同事然
數切諍之以廉正自持葉李固辭左丞之命言臣資
格未宜遽至此帝曰商起伊尹周起太公豈循資格
耶尚書係天下輕重朕以煩卿卿其勿辭賜大小車
各一許乘小車入禁中仍給扶升殿辛未以復置
尚書省詔天下除行省與中書議行餘竝聽尚書省

從便以聞詔趙孟頫所草也帝覽之喜曰得朕心之所欲言者矣

初太宗設總教國子之官逮至元初

以許衡爲祭酒而侍臣子弟就學者纔十餘人衡旣去教益廢而學舍未建師生寓居民舍司業耶律有尚屢以爲言至是乃立國子監設監丞博士助教增廣弟子員至百二十人蒙古漢人各半官給紙劄飲食遂以有尚爲祭酒

設江南各路儒學提舉司時

江南諸縣各置教諭二人又用廷臣請諸道各置提舉司設提舉儒學二人統諸路府州縣學祭祀錢糧之事學校已廢而復興實葉李之言有以導之也

乙酉鎮南王托歡徙鎮南京

范文虎改尚書右丞

商議樞密院事

改行中書省爲行尚書省六部爲

尚書六部

以吏部尚書實都

舊作忻都今改

爲尚書省參

知政事 庚寅帝如上都 達嚕哈齊哈喇哈斯等

言去歲錄囚南京濟南兩路應死者已一百九十人
若總校諸路爲數必多宜遣人分道行刑帝曰囚非
羣羊豈可遽殺卽宜悉配隸淘金 以禮部主事王
約爲監察御史約疏請建儲及修史又言前中丞郭
佑以奏誅盧世榮爲僧格所嫉誣以它罪宜白其冤
不報 三月甲午行至元鈔僧格以交鈔及中統元
寶行之既久物重鈔輕建議更造至元鈔行之自一
貫至五十文凡十有一等每一貫視中統鈔五貫子
母相權要在新者無冗舊者無廢凡歲賜周乏餉軍
皆以中統鈔爲準詔百官於刑部集議趙孟頫亦與
焉衆欲計至元鈔二百貫贓滿者死孟頫曰始造鈔
時以銀爲本虛實相權今二十餘年間輕重相去至

數十倍故改中統爲至元又二十年後至元鈔必復如中統使民計鈔抵法疑於太重古者以米絹民生所須謂之二實銀錢與二物相權謂之二虛四者爲直雖升降有時終不大相遠也以絹計贓最爲適中況鈔乃宋時所創施於邊郡金人襲而用之皆出於不得已乃欲以此斷人死命似未可也或以孟頫年少初自南方來譏國法不便意頗不平責之曰今朝廷行至元鈔故犯法者以是計贓論罪汝以爲非豈欲沮格至元鈔耶孟頫曰法者人命所係議有重輕則人不得其死孟頫奉詔與議不敢不言今中統鈔虛故改至元鈔謂至元鈔終無虛時豈有是理公不揆於理欲以勢相陵可乎其人有愧色 丙辰命都水監開汶泗水以達京師 汴梁河水泛溢役夫七

千修完故隄

夏四月宗王納顏反諸王諾延

舊作納牙

改今

等皆應之帝問侍衛士阿實克布哈

舊作阿沙不花今改計將

安出對曰臣愚以爲莫若先安撫諸王乃行天討則

叛者勢自孤矣帝曰善卿試爲朕行之阿實克布哈

卽北說諾延曰大王聞納顏反耶曰不知也曰聞大

王等皆欲爲納顏外應今納顏旣自歸矣是獨大王

與主上抗幸主上聖明亦知非大王意置之不問然

二三大臣不能無惑大王何不往見上自陳爲萬全

計諾延悅許之于是諸王之謀皆解阿實克布哈還

報帝乃議親征命徵兵遼陽以千戶帥錫保齊之衆

從行阿實克布哈以大同興和兩郡當車駕所經有

帷臺嶺者數十里無居民請詔有司作室嶺中徙邑

民百戶居之割境內錫保齊

舊作昔寶赤今改

牧地使耕種以

自養帝從之阿實克布哈既領錫保齊帝復欲盡徙興和桃山數十邨之民以其地爲錫保齊牧地阿實克布哈固請存三千戶以給鷹食帝皆聽納民德之飲食必祭錫保齊鷹房之執役者也 五月乙亥遣

額森

舊作也
先今改

諭北京等處宣慰司凡隸納顏所部者

禁其往來毋令乘馬持弓矢

壬寅誅御史臺吏王

良弼僧格嘗奉旨檢覈中書省事凡校出虧欠鈔四

千七百七十錠昏鈔一千三百四十五錠平章敏珠

爾卜丹卽自伏參政楊居寬微自辨以爲實掌銓選

錢穀非所專僧格令左右拳其面因問曰旣典選事

果無黜陟失當者乎尋亦引伏參議伯降以下凡鉤

攷違情耗失等事及參議王巨濟嘗言新鈔不便忤

旨各款伏帝令丞相安圖與僧格共議且諭毋令敏

珠爾卜丹等它日得以脅問誣服爲辭此輩故狡獪人也數日僧格又奏鞫中書參政郭佑多所逋負尸位不言以疾爲託臣謂中書之務隳惰如此汝力不能及何不告之蒙古大臣故毆辱之今已款服帝命窮詰之良弼嘗與人言尙書鉤校中書不遺餘力它日我留得發尙書姦利其誅籍無難僧格聞之捕良弼鞫問款服謂此曹誹謗不誅無以懲後遂誅良弼籍其家又有吳德者嘗爲江寧縣達嚕噶齊求仕不遂私與人非議時政且言尙書今日覈正中書之弊它日復爲中書所覈汝獨不死也耶或以告僧格卽捕德按問殺之沒其妻子入官

用僧格言置上海

福州兩萬戶府以維制錫布鼎烏訥爾等海運船戶工兩部各增尙書二員初立行泉府司專掌海運遂

罷東平河運糧尋又於河西務置漕運司領接運海

道糧事

帝自將征納顏發上都括江南僧道馬匹

詔范文虎將衛軍五百鎮平樂以奇徹為親軍都指

揮使伊蘇岱爾右衛簽事王通副之

同知留守兼

少府監事王思廉謂留守丹津

舊作段貞今改

曰藩王反側

地大故也漢晁錯削地之策實為良圖蓋為上言之

丹津以聞帝曰汝何能出此言也丹津以思廉對帝

嘉之

「攷異」王思廉傳連繫於二十三年今從本紀

壬子行尚書省平章政事

高麗國王王曙請益兵征納顏以五百人赴之

行

尚書省左丞相阿珠

舊作阿尤今改

受命西征至哈喇霍州

以疾薨阿珠繼其祖蘇布特

舊作速不台今改

父烏蘭哈達

舊作

兀良哈台今改

為將帥沈幾有智略臨陳勇決三世皆以功

名顯後追封河南王

「攷異」阿珠之歿後編前後兩見今定從元史本傳

六月庚

申朔百官以職守不得從征納顏獻馬以給衛士壬

戌帝至薩爾都魯

舊作撒兒都魯今改

之地納顏率所部六萬逼

行在而陳遣左丞李庭等將漢軍用漢法以戰既而

納顏之黨金嘉努

舊作金家奴今改

塔布岱

舊作塔不反今改

擁衆號十

萬進逼乘輿帝親麾諸軍圍之納顏堅壁不出司農

卿特爾格

舊作鐵哥今改

曰彼衆我寡當以疑退之於是帝

張曲蓋據胡牀坐特爾格進酒塔布岱按兵覘之不

敢進李庭曰彼至夜當遁耳乃引壯士十餘人持火

礮夜入其陳礮發果自潰散帝問何以知之庭曰其

兵雖多而無紀律見車駕駐此而不戰必疑有大軍

繼之是以知其將遁遂命庭將漢軍御史大夫伊實

特穆爾

舊作玉昔帖木兒今改

將蒙古軍竝進追至實列們林擒

納顏以獻遂伏誅初潞州靳德進精於星歷之學所

言休咎輒應時用天象以進規諫多所裨益累遷祕書監掌司天事及是從征納顏揆度日時率中機會諸將欲勦滅其黨德進獨陳天道好生請緩師以待其降帝嘉納之李庭之討納顏也將校多用國人或其親暱立馬相嚮語輒釋仗不戰逡巡退卻帝患之葉李密啓曰兵貴奇不貴衆臨敵當以計取彼旣親暱誰肯盡力徒費陛下糧餉四方轉輸甚勞臣請用漢軍列前步戰而聯大車斷其後以示死鬪彼嘗玩我必不設備我以大衆踣之無不勝矣帝用其謀果奏捷自是益奇李每召見論事尋詔以爲御史中丞商議中書省事李辭曰臣本羈旅蒙眷使備顧問固當竭盡愚衷御史臺總察中外機務臣愚不足當此任且臣昔竄瘴鄉素染足疾比歲尤劇帝笑曰卿

足艱于行心豈不可行耶李固辭得許因叩首謝曰
臣今雖不居是職然御史臺天子耳目常行事務可
以呈省至若監察御史奏疏西南兩臺咨稟事關軍
國利及生民宜令便宜聞奏以廣視聽不應一一拘
律遂成文具請詔臺臣言事各許實封又曰憲臣以
繩愆糾謬爲職苟不自檢於擊搏何有其有貪恠敗
度之人宜付法司增條科罪以懲欺罔帝然之由是
臺臣得實封言事 帝初欲大用趙孟頫議者難之
是月授孟頫兵部郎中兵部總天下諸驛時使客飲
食之費幾十倍於前吏無以供給強取於民不勝其
擾遂請于中書增鈔給之至元鈔法滯澀不能行詔
遣尙書劉宣與孟頫馳驛至江南問行省慢令之罪
左右司官及諸路官得徑答之孟頫還不答一人僧

格大以爲譴時有王虎臣者言平江路總管趙全不
法卽命虎臣往按之葉李執奏不宜遣虎臣帝不聽
孟頫進曰趙全故當問然虎前臣守此郡多強買人
田縱賓客爲奸利全數與爭虎臣怨之往必將陷全
事縱得實人亦不能無疑帝悟乃遣它使僧格鐘初
鳴時卽坐省中六曹後至者咎之孟頫偶後至斷事
官遽引孟頫受咎孟頫入訴於右丞葉李曰古者刑
不上大夫所以養其廉恥教之節義且辱士大夫是
辱朝廷也僧格亟慰孟頫使出自是所咎惟曹吏以
下它日行東御牆外道隘孟頫馬跌墮于河僧格聞
之言於帝移築御牆稍西二丈許帝聞孟頫素貧賜
鈔五十錠初納顏將叛陰遣使結額布罕

舊作也不
干今改

騰勒噶

舊作騰刺
哈今改

奇徹

舊作欽
察今改

親軍衛指揮使托克托

呼

舊作土土土
哈今改

執之盡得其情以聞詔騰勒噶入朝將由

東道進托克托呼言於北安王曰彼分地在東脫有
不虞是縱虎入山林也乃命從西道旣而有言額布
罕叛者衆欲先聞於朝然後發兵托克托呼曰兵貴
神速若彼果叛我軍出其不意可卽圖之否則與約
而還卽日起行疾驅七晝夜渡圖呼喇河戰於托集
嶺大敗之額布罕僅以身免秋七月癸巳納顏餘
黨犯咸平遼東道宣慰使達春舊作塔
出今改從皇子愛額
齊合兵出瀋州進討初帝命達春領軍一萬與愛額
齊同力備禦納顏女真水達勒達官民與納顏連結
達春遂棄妻子與麾下十二騎直抵建州距咸平千
五百里與納顏黨達薩巴圖爾等合戰兩中流矢繼
知其黨特爾格素爾齊等欲襲皇子乃以數十人退